

**SO WHAT** *What is the relevance of the Word to my life?*

- Napag-isipan mo na bang mabuti ang sumunod kay Cristo? Ano ang iyong mga dahilan sa pagsunod sa Kanya?
- Anu-anong mga takot ang sa tingin mo ay dapat mong malampasan? Ano ang sinasaad ng Bibliya tungkol dito?
- Sa anong paraan mo mapapalago pang lalo ang ugnayan mo kay Jesus? Ano ang magagawa mo upang paglaanan ito ng panahon?

**NOW WHAT** *How do I apply the Word to my life?*

- Gaano kadalas mo binabasa ang Bibliya? Kailan at saan mo ito ginagawa?
- Sino sa iyong simbahan o grupo ang maaring makatulong sa iyo sa pananalangin tungkol sa mga bagay na maaaring ikinakatakot mo?
- Anong mga praktikal na bagay ang makakatulong sa iyo sa pagpapalago ng iyong ugnayan kay Jesus? Sinu-sino ang maaari mong tulungan na magsimulang sumunod o lumago sa kanilang ugnayan sa Diyos?

## **PRAYER**

- Ipagdasal na bigyan ka ng Diyos ng higit na pangangailangan sa Kanyang Salita at presensya sa iyong puso.
- Sa iyong grupo, itanong kung anu-ano ang mga ikinakatakot ng bawat isa na nangangailangan ng higit na pananampalataya sa Diyos. Ipagdasal ang mga ito.
- Manalangin para sa kakayanan at disiplina na maging regular ang personal na panahon na nilalaan mo para sa Diyos (pagbabasa ng Bibliya at pananalangin araw-araw).



# VICTORY

**Honor God. Make Disciples.**

Karapatang Pag-aari © 2011  
Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.  
Ito ay hindi pinagbibili.  
victory.org.ph

**FILIPINO**

# ORDINARY

## Si Pedro at si Jesus

## Week 3

NOTES

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.

## CONNECT

- Anong kakayahan ang masasabi mong natatangi sa iyo?
- Sino ang hinahangaan mo dahil sa kanyang kakayahan o talento? Sa anong paraan ka namamangha sa kanya?
- Kung may hihilingin kang kakayahan o talento sa Diyos, ano ito at bakit ito ang gusto mo?

## WORD

<sup>13</sup>Namangha sila kina Pedro at Juan dahil sa lakas ng loob nilang magsalita, lalo na nang malaman nilang mga karaniwang tao lang sila at walang mataas na pinag-aralan. Namukhaan din nilang sila'y mga kasama ni Jesus noon. <sup>14</sup>Magsasalita pa sana sila laban sa himalang ginawa nina Pedro at Juan, pero dahil ang taong pinagaling ay nakatayo mismo sa tabi ng dalawa, wala na silang nasabi.

Mga Gawa 4:13,14

## WHAT

*What does the Bible say?*

Ang pagdidisipulo ay tungkol sa pakikipag-ugnayan natin kay Jesus at pagkakaroon natin ng lumalagong relasyon sa Kanya. Karaniwang mangingisda lamang si Pedro noong di pa niya nakilala si Jesus. Ngunit ng sumunod na siya kay Cristo, nabigyang halaga at kabuluhan ang kanyang buhay. Nabago siya at naging isa sa mga unang apostol ni Jesus na nagpalaganap ng Kanyang kaharian sa buong mundo. Ano ang tinuturo sa atin ng pagsunod ni Pedro kay Cristo?

- **Nabibigyan tayo ng kalakasan ng loob sa ating pagsunod kay Jesus.**

*Namangha sila kina Pedro at Juan dahil sa lakas ng loob nilang magsalita . . .*

Mga Gawa 4:13

Nagkamali ng matindi si Pedro nang ikinaila niya si Jesus ng tatlong beses sa mga tao (Mateo 26:69-75) dahil sa takot. Ngunit ibinalik siya ni Jesus (Juan 21:15-17) at dahil doon, walang takot siyang nagsalita sa harap ng maraming tao tungkol sa ebanghelyo. Nang sumunod ka kay Jesus, anong mga takot ang nawala sa iyo? Anong mga bagay ang may lakas ng loob ka nang gawin ngayong namumuhay ka na para sa Diyos?

- **Nabibigyan tayo ng kakayahan upang gumawa ng mga dakilang bagay sa pagsunod natin kay Jesus.**

<sup>6</sup>Pero sinabi ni Pedro sa kanya, “Wala akong pera. Ngunit may ibibigay ako sa iyo: Sa pangalan ni Jesus na taga-Nazaret,

*lumakad ka!”<sup>7</sup>At hinawakan ni Pedro ang kanang kamay nito at pinatayo siya. Biglang lumakas ang kanyang mga paa at bukong-bukong.<sup>8</sup>Tumayo siya agad at lumakad-lakad. Pagkatapos, sumama siya kina Pedro at Juan sa templo. Palakad-lakad at patalon-talon siyang nagpupuri sa Diyos.*

Mga Gawa 3:6-8

Si Pedro ay hindi mayaman at hindi rin siya aral sa pangangaral ng Salita ng Diyos. Ngunit hindi ito naging hadlang sa pagtupad niya sa tawag at kalooban ng Diyos sa kanyang buhay. Higit pa rito, binigyan siya ni Jesus ng kakayahan upang makagawa ng mga dakilang bagay upang tulungan ang mga tao noong panahong iyon. Anu-anong mga bagay ang nagawa mo na at alam mong hindi mo magagawa kung wala ang tulong ng Diyos?

- **Nabibigyan tayo ng pagkakataong matamasa ang kabutihan at paglalaan ng Diyos sa pagsunod natin kay Jesus.**

*Ang kapangyarihan ng Diyos ang nagbigay sa atin ng lahat ng kailangan natin para mamuhay nang may takot sa kanya. Ito’y sa pamamagitan ng pagkakakilala natin sa kanya na tumatawag sa atin. Tinawag niya tayo sa pamamagitan ng kapangyarihan niya at kabutihan.*

2 Pedro 1:3

Habang lumalago si Pedro sa kanyang pakikipag-ugnayan sa Diyos, naranasan niya ang kabutihan at pagpapala ng Diyos at naibahagi pa niya ito sa kanyang mga sulat at aklat. Sa Kanyang Salita, nangako ang Diyos na sa pagsunod natin kay Cristo, matatamasa natin ang Kanyang pagpapala, pabor, at paglalaan. Papaano nagiging totoo ang pangakong ito sa buhay mo ngayon?